

Songhay - Woyey Citaaboo - Wives Scriptures

Efezi 5:22-24 Woyey, wa ben war kurney cire sanda takaa kañ nda war ga ben ir Koyoo cire. 23 Zama kurne ti woy bonkoynoo sanda takaa kañ nda Almasihu ti Egilizoo bonkoynoo. Nga ti gaahamoo Hallasikaa. 24 Takaa kañ nda Egilizoo ga ben Almasihu cire, takaa din da haya kul ra woyey ma ben ngi kurney cire.

Efezi 5:31,33 Citaaboo nee: «Woo maaganda se aru ga hun nga jaa nda nga baaba do ka denji nga wandoo ga, de ngi boro hinkaa ga tee gaaham folloku.» 33 Haya kul kañ no, war affoo kul ma baa nga wandoo sanda takaa kañ nda a ga baa nga boñ, haya kañ ti woy, a ma nga kurjoo beerandi.

1 Korenti I. 7:3-5 Kurje ma wande noo woo kañ nda a ga hima, takaa din da woo kañ nda kurje ga hima, wande m'a noo a se. 4 Woy si nga gaahamoo may, kurjoo wane nd'a, takaa din da kurje si nga gaahamoo may, wandoo wane nd'a. 5 War masi war boñ wanji cere se, nda man'ti haya no kañ war waafaku a ga, ka waati nañ hala war ma war boñ noo Irkoy ḥaarayyan se. Woo banda ga, war ma yee cere ga hala Ibilisi masi war sii, zama war si hin ka war boñ dii.

1 Korenti I. 7:34 Woy kañ mana hiji nda hondiyaw ga alhuzun nd'ir Koyoo hayey hala nga ma duu ka henan nga gaahamoo ra nda nga lakkaloo ra. Woy kañ hiji si alhuzun nda kala aduñña hayey ka guna taka kañ nda nga ma kan nga kurjoo se.

Kolosi 3:18 Woyey, wa yee war kurney se ganda, takaa kañ nda a ga hima ir Koyoo fondaa ra.

1 Timote I. 2:11-15 Woy ma dangay i m'a cawandi, a ma nga boñ yeeti ganda. 12 Ay si woy noo fondo a ma aru cawandi wala a ma hini fur a boñ. A mma hima ka tee boro dangayante, 13 zama Adama ka jin ka hansandi, nga banda ga Haawa. 14 Man'ti Adama ka dargandi, woyoo ka dargandi, a kañ hooyan ra. 15 Amma woo kul ra, woyoo ga hallasi nga hayyanoo maaganda se nd'a gaabandi naanaa, nda bajii, nda henanyan ga boñ yeeti gandayan ra.

Sintidi 3:16 - 1 Piyer I. 3:1-6 Takaa din da, war mo woyey, wa yee ganda war kurney se, hala ba nda boroyañ goo i ra kañ si hañajer Irkoy meešennoo se, wandey dira takaa m'i ka naanay bila šenni, 2 zama i ga dii war dira takaa kañ ga henan, a teendi Irkoy hunburaa ra. 3 War taalamoo masi tee tarayheroo, maanaa turyan, nda wura

hiiri, nda bankaaray henna. 4 Amma war taalamoo ma tee boro kuneheroo kañ goo tuguyan ra, kañ ti bineyaynay kañ ga kani, woo ti taalam kañ si hasara kañ goo nda hay beeri Irkoy do. 5 Takaa woo nda cee jinaa woy henanantey kañ naata Irkoy ra ga taalam. I ga yee ngi kurney se ganda. 6 Sanda Sarata kañ ga yee nga kurnoo Ibirahima se ganda k'a cee nda «ay koyoo». Nga izey ti war nda war ga goy henna tee, war si nañ haya kul ma war hunburandi ka war biney ñaami.

Tiitu 2:1-5 Amma ni Tit, haya har kañ ga sawa nda cawandiyan cimoo. 2 Nee aru žeeney se i ma hin ngi boñ, i ma tee boroyañ kañ borey g'i beerandi, lakkalkoyniyan. I ma tabati naanaa ra, nda baji ra, nda muneyan ra. 3 Takaa din da, woy žeeney ma bara nda attabiya henananteyan, i masi tee miimandakaw, i masi ngi goyoo tee harifutu haryan de. I ma tee ihenna cawandikaw 4 hala i ma woysogey waanandi i ma baa ngi kurney nda ngi zankey, 5 i ma tee lakkalkoyniyan, i ma mooru žiibi, i ma huga nda ngi hugoo goyey, i ma tee boro boryo, i ma yee ngi kurney se ganda hala Irkoy meešennoo masi wowandi.

1 Korenti I. 11:5-7,10 Amma woy kul kañ ga Irkoy ñaaray wala a ga annabitaray tee boñoo si guma, boraan na nga boñkoynoo kaynandi, zama nga nda woy kañ na nga boñoo cebu kul ti affoo. 6 Woy kañ si nga boñoo gum, a ma nga hinbirey mo kosu. Aywa, nda haawi no woy se a ma nga hinbirey kosu wala a m'i cebu, a ma nga boñoo gum. 7 Aru si hima ka nga boñoo gum, zama Irkoy himakasinaa nda nga daržaa no, amma woy man'ti kala aru daržaa. 10 Woo maaganda se hini tammaasa ga hima ka bara woy boñ ga almalaykey sabbu se.

Yaasaydiyo 12:4; 14:1; 19:13; 21:9,19; 25:24; & 27:15,16 - contentious & angry Woyey

Yaasaydiyo 31:10-31 - The Virtuous Woyey

Pastor T. John Franklin
Church of Salvation, Healing, and Deliverance
COS-HAD.org